

Alþingi, nefndarsvið
sjávarútvegs- og landbúnaðarnefnd
Austurstræti 8-10
150 Reykjavík

Alþingi
Erindi nr. Þ 136/1014
komudagur 4.3.2009


Garðabær 3. mars 2009

Umsögn um frumvarp til laga um breytingar á ýmsum lögum vegna endurskoðunar á undanþágum frá I. kafla I. viðauka við EES-samninginn og innleiðingar á reglugerð Evrópuþingsins og ráðsins (EB) nr. 178/2002 frá 28. janúar 2002 auk afleiddra gerða.

Á fundi heilbrigðisnefndar Hafnarfjarðar- og Kópavogssvæðis þann 23. febrúar 2009 var ofangreint mál til umfjöllunar.

Heilbrigðisnefnd þakkar fyrir að hafa fengið tækifæri til að koma að sínum sjónarmiðum og telur þörf á gera athugasemdir varðandi eftirtalin atriði:


1. þegar flytja á verkefni frá sveitarfélögum til ríkisstofnunar er nauðsynlegt að hafa um það samráð,
 2. að gæta verði að hagsmunum neytenda með gangsæi í matvælaeftirliti að leiðarljósi,
 3. að lagatexti verði skýr um framkvæmd markaðseftirlits með matvælum þannig að matvælaöryggi fyrir neytendur verði ekki fyrir borð borið.
 4. að menntunarkröfur verði gerðar til starfsfólks í matvælavinnslu.
- Samkvæmt frumvarpinu fer fram flutningur verkefna frá stofnunum sveitarfélaga til ríkisstofnunar og það án samráðs við sveitarfélögin svo vitað sé. Heilbrigðisnefnd telur það vera í mótsögn við almennt boðaða stefnu stjórnvalda um að einfalda eftirlit hjá fyrirtækjum. Ekki hefur verið sýnt fram á hagræði af breyttu fyrirkomulagi sem lagt er til í gr. 4 í frumvarpinu. Þá hefur heilbrigðisnefnd efasemdir um að það sé forsenda fyrir innleiðingu evrópskra lagasetningar að framkvæmdin sé á hendi ríkisstofnunar. Mælt er með því að fella niður lið c og d í 4b. gr.
 - Almennar leyfisveitingar og stjórnýsla er til muna opnari á sveitarstjórnastigi og heilbrigðisnefndir lúta í dag eftirliti Matvælastofnunar. Verið er að fjarlægja eftirlit úr nærumhverfi neytenda með því að færa daglegt eftirlit til Matvælastofnunar í jafn ríku mæli og lagt er til. Möguleiki á gagnrýnni yfirumsjón hverfur um leið og árekstrar geta orðið innan stórrar ríkisstofnunar þar sem hagsmundir neytenda eiga létt með að verða undir. Með lögleiðingu frumvarpsins í núverandi mynd mun gegnsæi málaflokksins minnka til muna, bæði neytendum og stjórnvöldum í óhag. Með boðuðum breytingum hverfur eftirlit inn í eina ríkisstofnun sem sinna á bæði eftirliti og allri stjórnýslu. Ákvæði 14. gr. frumvarpsins um að Matvælastofnun hafi yfirumsjón með



matvælaeftirliti verður þannig marklaus ef stofnuninni verður jafnframt falið að sjá um meira og minna um eftirlit á markaði og vettvangi.

- Lagatexti verður að vera skýr þegar kemur að flutningi vara innan evrópska svæðisins, þ.e. hvað varðar framkvæmd markaðseftirlits sbr. 19. gr. og 23. gr. frumvarpsins. Af frumvarpinu verður helst ráðið að aðeins sé nauðsynlegt að viðhafa skyndiskoðanir og sýnatöku til rannsókna á búfjár- og sjávarafurðum en ekki öllum matvörum. Markaðseftirlit þarf að stóraukast hér á landi. og mun kostnaðarauki verða talsverður frá því sem nú er. Sýnatöku þarf að auka verulega frá því sem nú er og sýnatöku fylgir tilheyrandi rannsóknarkostnaður. Ekki er fullljóst af ákvæðum frumvarpsins hvernig fer með þann kostnað og það verður að vera alveg ljóst, hver á að bera þann kostnað
- Það er mat heilbrigðisnefndar að það sé tímabært að setja menntunarkröfur fyrir starfsfólk í matvælavinnslu. Í 7. gr. frumvarpsins er ráðherra veitt heimild til að setja reglur um að þeir sem starfa við framleiðslu og dreifingu matvæla skuli sækja námskeið um meðferð matvæla þar sem sérstök áhersla er lögð á innra eftirlit og öryggi matvæla. Ástæða er til að kveða skýrar að orði um skyldu ráðherra til að setja slíkar reglur og stjórnendur matvælaafyrirtækja að virða þær.

Virðingarfyllt,
f. h. heilbrigðisnefndar.



Guðmundur H. Einarsson,
framkvæmdastjóri.